

ଫିଲିପୀୟମାନଙ୍କ ନିକଟକୁ ପାଉଲଙ୍କ ପତ୍ର ପିଲିପିୟଙ୍କଂନେ ଡାଗ୍ରା ପାଉଲ୍‌ନେ ଉଲିଆଃ ପିଲିପିୟ ବଇ ବିସୟରେ ଉଃଡ଼ିକ୍ଲିଗ୍ ସାମୁଆଁ

ଜିସୁ କିସ୍ତ ଜନମନେ ପାକାପାକି ୬୧ ମୁଆଁ ଇଡ଼ିଂ ପାଉଲ୍ ଫିଲିପି ମଣ୍ଡଲିନେ ବିସ୍‌ବାସିଇଂନେ ଡାଗ୍ରା ଉଲିଆଃ ଗୁଆରୁକେ । ତିଂଲେଃଏ ପାଉଲ୍ ରୋମ୍‌ନିଆ ବନ୍ଦି ଲେଃଃଗ୍ରେ ବେଲା ମେଁ ଆକେନ୍ ଉଲିଆଃ ଗୁଆରୁବଗେ ୧:୧୩ । ଫିଲିପି ସହର୍ ବିତ୍ରେ ଆଃ ତିଆର୍ ତିଂକ୍ଲେ ମଣ୍ଡଲି ଡାଗ୍ରା ଆକେନ୍ ଉଲିଆଃ ଗୁଆରୁବଗେ । ନେ ପ୍ରେରିଡ଼ ଉଲିଆଃନିଆ ଶ୍ରିଗ୍ ଉଃଡ଼ିକ୍ଲିଗ୍ ସାମୁଆଁ ଫିଲିପି ସାସ୍ତ୍ର ବିସୟରେ ମ୍ୟାଃନେଡ଼ିଂକେ । ଫିଲିପି ମାକିଦନିଆ ଦେସନେ ରାଜ୍‌ଦାନି ସହର୍ ଲେଃଃଗେ । ଆକେନ୍ ମାକିଦନିଆନିଆ ତିଆର୍ ତିଂକ୍ଲେ ପର୍ତ୍ତୁମ୍ ମଣ୍ଡଲି ଲେଃଃଗେ । ପାଉଲ୍ ଆରି ଶୀଲା କୁଡ଼େଃରେ ଆକେନ୍ ମଣ୍ଡଲି ଆରାମ୍ ତିଂବଆରୁଗେ ଆରି ଶ୍ରିଗ୍ ଆଡ଼ଅରିଆ ଲେଃଆରୁକ୍ଲେ ବେଲା ମୁଇଂ ମିଡ଼ିଗ୍ ନ୍‌ସା ଆମେଇଂକେ କଇଦ୍ ତୁଆନିଆ ବଆରୁଗେ ପ୍ରେରିଡ଼ ୧୬ ।

ତିଂଲେଃଏ ପାଉଲ୍ ଆକେନ୍ ଉଲିଆଃ ଗୁଆରୁନେ ଗୁଲେ ଇକ୍‌ତା ଲେଃଏ । ମେଁ ବନ୍ଦି ଲେଃଃକ୍ଲେ ସାମୁଆଁ ଅଆରୁଚେ ମଣ୍ଡଲିନେ ରେମୁଆଁଇଂ ଚାନ୍ଦା ରାଃସିକ୍‌ଚେ ବେବଆରୁକ୍ଲେ ନ୍‌ସା ମଣ୍ଡଲିକେ ଦନ୍‌ସବାଦ୍ ବିଃନେ ଇକ୍‌ତା ତିଂଚେ ଉଲିଆଃ ଗୁଆରୁଡ଼ିଂକେ ୪:୧୦-୧୯ । ମେଁ ଶ୍ରିଗ୍ ମେଁନେ ବନ୍ଦି ଅବସ୍ତାନେ ସାମୁଆଁ ଏତେ ମଣ୍ଡଲିନିଆ ତିମତି ବାରି ଏପାଫ୍‌ଦିତକେ ଆଦେସ୍ ବିଃଡ଼ିଂକେ ବିସ୍‌ବାସିଇଂ ତିରକମ୍ ମେଇଂକେ ମାନେଃରେ ସାଲ୍‌ଆରୁଏ ବାରି ମେଁନେ ନେତା କାମ୍‌ନିଆ ସନ୍‌ମାନ୍ ବିଃଆରୁଏ ୨:୧୯-୩୦ ।

ସାସ୍ତ୍ର ବିତ୍ରେ ଲେଃକ୍ଲେ ସାମୁଆଁଇଂ

- ୧. ଫିଲିପ୍ପି ମଣ୍ଡଳିକେ ପାଉଲ୍‌ନେ ସାର୍ଲ । ୧:୧-୨
- ୨. ପାଉଲ୍‌ନେ ଅବସ୍ଥା ଆରି ମୈନେ ଚିନ୍ତା । ୧:୩-୨:୩୦
- ୩. ବିସ୍‌ବାସିକ୍‌କେ କିସ୍‌ଟିୟ ଜିବନ୍ କାଟେ ନ୍‌ସା ପାଉଲ୍‌ନେ ଆଦେସ୍ । ୩:୧-୪:୯
- ୪. ଫିଲିପ୍ପି ମଣ୍ଡଳିକ୍‌ ଚାନ୍ଦା ବିଃଆର୍‌କ୍‌ସା ପାଉଲ୍‌ନେ ସାର୍ଲ ଆରି ଦନ୍‌ୟବାଦ୍ ବିଃତିଂକେ । ୪:୧୦-୨୩

^୧ ପାଉଲ୍ ବାରି ତିମତି କିସ୍‌ଟି ଜିସୁନେ ମ୍ବାୟା ସେବାରେ ପିଲିପ୍ପିନ୍ନିଆ ଲେଃକ୍‌କେ କିସ୍‌ଟି ଜିସୁନେ ପାଙ୍‌ଲେକ୍‌କେ ସାପା ସାଦୁନେ ଡାଗ୍ରା ବାରି ପୁଜାରି ବାରି ସେବକ ଡାଗ୍ରା ଗୁଆର୍‌ତିଂକେ ।

^୨ ନେଁକ୍‌ନେ ଆବା ଇସ୍‌ପର୍ ବାରି ମାପୁ ଜିସୁ କିସ୍‌ଟିନେ ବାନ୍ ଲିବିସ ବାରି ସାନ୍ତି ପେଇଂନେ ଆଡାଡା ଡିଙ୍‌କଲେ ।

ପଡ଼େଣ୍ଡେଇଂନେ ନ୍‌ସା ପାଉଲ୍‌ନେ ପାର୍‌ତନା

^୩ ନେଙ୍‌ ଆପେକେ ଉଡ଼ିତର୍ ମନେ ଶ୍ରିଂଏ ଅଃଡେନ୍ ତର୍ ନେଙ୍‌ନେ ଇସ୍‌ପର୍‌କେ ଦନ୍‌ୟବାଦ୍ ମ୍ବିଏ । ^୪ ଗୁଲୁଏ ତର୍ ପେଇଂନ୍‌ସା ପାର୍‌ତନା ଡିଙ୍‌କ୍‌ନେ ବେଲା ସାର୍‌ଦା ଡିଙ୍‌କ୍‌ଟେ ପାର୍‌ତନା ଡିଙ୍‌କ୍‌ପା । ^୫ ଡାଗ୍ଲା ପେଇଂନେ ବିସ୍‌ବାସ୍‌ନେ ମୁଲ୍‌ଦିନ୍ ବାନ୍ ଏଃଜାକ ଆନେଙ୍‌କ୍‌କେ ପେ ବିସ୍‌ବାସ୍ ଡିଙ୍‌କ୍‌ଟେ ପାଙ୍‌ ପେଡିଙ୍‌କ୍‌କେ । ^୬ ଡାଗ୍ଲା ଜାଣ୍ଡେ ପେଇଂନେ ବିଡ୍ରେ ନିମାଣ୍ଡା କାମ୍ ମୁଲେବକେ ମେଁ କିସ୍‌ଟି ଜିସୁନେ ପାଙ୍‌ନେ ଦିନ୍ ଜାକ ଆଡେନ୍ ମାନେଃଟେ ସମାନ୍ ଆଃଡିଙ୍‌କ୍‌ଏ ଆକେନ୍ ନେଙ୍‌ ସଡ଼ବାବ୍‌ରେ ବିସ୍‌ବାସ୍ ଶ୍ରିଙ୍‌କ୍‌ଏ; ^୭ ପେଇଂ କାଲାଆଃ ନେଙ୍‌ ଡାଗ୍ରା ନେଙ୍‌ ମନ୍‌ନ୍ନିଆ ପେଲେକେ; ତେସା ପେଇଂନେ ବିସ୍‌ୟରେ ଦେକ୍ ରକମ୍ ବାବେନେ ନେଙ୍‌ ଡାଗ୍ରା ନିମାଣ୍ଡା । ନେଙ୍‌ ନିମାଣ୍ଡା ଲେଃନେ ବେଲା ବାରି ଏବେ ଏନ୍ ବନ୍ଦି ଅବସ୍ଥାନ୍ନିଆ ନିମାଣ୍ଡାସାମୁଆଁନେ ତିଆର୍ ଡିଂନେ ବାରି ରକ୍ୟା ନ୍‌ସା କାମ୍ ଡିଙ୍‌କ୍‌ନେସା ଇସ୍‌ପର୍ ଆନେଙ୍‌ ଆଣ୍ଡିନେ ସୁଜଗ୍ ବିବକେ, ପେଇଂ ସାପାରେ ଆକ୍‌ଅରିଆ କୁଡ଼େଃପା । ^୮ ପେ ସାପାରେନେ ଆଡାଡା ନେଙ୍‌ନେ ଜାବର୍ ଆସାଇ ନିଜେ ଜିସୁ କିସ୍‌ଟିନେ ବାନ୍ ନେଙ୍‌ ବାଲ୍‌ଲେଃକେ ଡାଗ୍‌ଟେ ଉଡ଼ିବେଲା ନେଙ୍‌ ମ୍ବାସଙ୍‌କ୍‌ଏ ଏନ୍ ସତେଆ ସଡ଼ । ଇସ୍‌ପର୍ ଏନ୍ ସାକି ଲେଃକେ ।

^୯ ନେଙ୍‌ ପାର୍‌ତନା ଶ୍ରିଙ୍‌କ୍‌ଏ ଡିରକମ୍ ସଡ଼ନେ ବୁଦି ବାରି ନ୍ୟାୟ୍ ବିଚାର୍ ଏଡେ ପେଇଂନେ ଆଲାଦ୍ ଜାବର୍ ବାନ୍ ଜାବର୍ ମ୍ବାଏ ^{୧୦} ବାରି

ପେଇଁ ତିରକମ୍ ମ୍ମା ବିସୟ୍ ସାପା ମନ୍ତିଜ୍ଞ ପେୟାଏ । ତେଲା ପେଇଁ କିସ୍ତନେ ପାଜ୍ଞନେ ଦିନା ପବିତ୍ର ବାରି ନିନ୍ଦା ଶୁ ପେଲେ୪ଏ ୧୧ ବାରି ଇସ୍ପପରନେ ଗଉରବ୍ ବାରି ପ୍ରସଂସା ନ୍ସା ପେଇଁନେ ପାରାନ୍ ଜିସୁ କିସ୍ତ ତିଆର୍ ତିଜ୍ଞକ୍ଳେ ସାପା ନିମାଣ୍ଟା ଗୁନ୍ ଗ୍ୟାନ୍ ପେଡିଜ୍ଞଏ ।

କିସ୍ତ ନେଇଁନେ ଜିବନ୍

୧୨ ଅ ନେଇଁନେ ବୟାଁଇଁ ବାରି ତନାଇଁ ଆପେକେ ଆୱଅଁନେ ଚାଏଁଣ୍ଟିକେ ଜେ ନେଇଁ ଆଡାଡା ମେଁ ମେୱମେୱନେ ଗଟେଲେୱକେ ଆତେନ୍ ନିମାଣ୍ଟାସାମୁଆଁନେ ଆମ୍ମା ନ୍ସା ତିଜ୍ଞଲେକେ । ୧୩ ଇଡିଜ୍ଞ ଆକ୍ନେ ସାପା ପରସାଦ୍ ଆୱମ୍ମୁଣ୍ଟେ ବାରି ବିନ୍ ସାପାରେ ମ୍ୟାଲେୱକେ ଜେ କିସ୍ତନେ ସେବାରେ ତିଜ୍ଞନେଲେୱଲା ନେଇଁ ଏବେ ବନ୍ଦି ତୁଆନ୍ନିଆ ନ୍ଲେୱକେ । ୧୪ ମାତର୍ ନେଇଁ ବନ୍ଦି ତିଜ୍ଞଲେଲା ଗୁଲୁଏ ବୟାଁ ବାରି ତନାଇଁ ମାପୁନେ ଆଡାଡା ଜାବର୍ ବିସ୍ବାସ୍ ନ୍ଲେୱକେ ବାରି ଏନ୍ ଇଡିଜ୍ଞ ମାବ୍ଟକ୍ଟା ଇସ୍ପପରନେ ସାମୁଆଁ ବାସଜ୍ ଅଲେଇଁ ନ୍ସା ମେଁଇଁନେ ସାଆସ୍ ମ୍ମା ଲେୱକେ ।

୧୫ ଜାଣ୍ଟେ ଜାଣ୍ଟେ ଇଂସା ଆରି ରିଜ୍ଞଆୱ ନ୍ସା କିସ୍ତକେ ପର୍ତାର୍ ତିଆର୍ଡିକେ ସଡ୍ ମାତର୍ ଆରି ଜାଣ୍ଟେ ଜାଣ୍ଟେ ସଡ୍ ବାବ୍ରେ ଆତେନ୍ ତିଆର୍ଡିକେ । ୧୬ କ୍ଲେଇଁ ଦେକ୍‌ରକମ୍ ତିଜ୍ଞ ନ୍ସା ଆଲାଦ୍ ତିଆର୍ଡିକେ । ତାଗ୍ଲା ମେଇଁ ମ୍ୟାଲେୱଆକେ ଜେ ଇସ୍ପପର୍ ଆନେଇଁ ନିମାଣ୍ଟାସାମୁଆଁ ରକ୍ୟା ତିଜ୍ଞ ନ୍ସା ଦାଇଡ୍ ବିବକେ । ୧୭ ବିନ୍‌ଶ୍ଟେଇଁ ବିସ୍ବାସ୍ ବାବ୍ରେ କିସ୍ତନେ ସାମୁଆଁ ମାବାସଜ୍‌ଟେ ନିଜର୍ ସୁକ୍ ସୁବିଦା ନ୍ସା ଆତେନ୍ ତିଜ୍ଞଆର୍ଏ । ନେଇଁ ବନ୍ଦି ତୁଆନ୍ନିଆ ଲେୱନେବେଲା ନେଇଁ ମନ୍ନିଆ ଜାବର୍ କସ୍ ବିନ୍‌ସା ମେଇଁ ଆତେନ୍ ତିଜ୍ଞବଆର୍କେ ।

୧୮ ଆଡ୍‌ଅରିଆ ବାରି ମେୱମେୱନେ ? କୁଟ୍ ବାବ୍ରେ ତିଜ୍ଞଲେୱ ବାରି ଦରମ୍ ବାବ୍ରେ ତିଜ୍ଞଲେୱ ତିରକମ୍ ତିଗ୍ କିସ୍ତ ବାସଜ୍‌କେ ଏନ୍‌ବାନ୍ ନେଇଁ ସାଦା ତିଜ୍ଞଣ୍ଟିକେ ଅଁ ସାଦା ଶ୍ଟିଜ୍ଞଏ । ୧୯ ତାଗ୍ଲା ନେଇଁ ମ୍ୟାଲେୱକେ ପେଇଁନେ ପାର୍ତନା ବାରି ଜିସୁ କିସ୍ତନେ ଆମ୍ମାନେ ସାଇଜ ବାନ୍ ନେଇଁ ଉଦାର୍ ମ୍ମାଏ । ୨୦ ଏନ୍ ବିସୟ୍‌ରେ ନେଇଁନେ ମୁଇଁ ଆୱ ଆସା ବାରି ଆସା ଲେୱକେ ଜେ ନେଇଁ

ମେଃଡ଼ିଗ୍ ବିସୟରେ ଗିଆସ ନାଡ଼ିଙ୍ଗ୍ ଶୁ ମାତର୍ କାଲାଆଃ ଡିରକମ୍ ଏବେ ଡିଙ୍ଗ୍ ଦେଡ଼ରକମ୍ ଜାବର୍ ସାଆସ୍ରେ ପାରାନ୍ ଡିଙ୍ଗ୍ଲେ ଶୁଲା ରୁଏନେ ଡିଙ୍ଗ୍ଲେ କିସଟକେ ନେଙ୍ଗ୍ନେ ମନନ୍ନିଆ ଆଲାଦ୍ ଶ୍ରିଙ୍ଗ୍ ।
 ୨୧ ଡାଗ୍ଲା ନେଙ୍ଗ୍ ଆଡାଡା ପାରାନ୍ ଆମ୍ନେ କିସଟ ବାରି ରୁଏଲା ବଲ୍ ଡିଙ୍ଗ୍ । ୨୨ ଡାଗ୍ଲା ଜଦି ରୁଆଲେଃଟେ ନେଙ୍ଗ୍ ମାଲେ ଗ୍ୟାନ୍ ବାନେ କାମ୍ ଶ୍ରିଙ୍ଗ୍ । ତେଲା ରୁଆନେ ବାରି ରୁଏନେ ଆଜାକେ ଇକଟା ଶ୍ରିଙ୍ଗ୍ ଆଡେନ୍ ନେଙ୍ଗ୍ ନ୍ନାମ୍ୟାକେ ଶୁ । ୨୩ ନେଙ୍ଗ୍ ମ୍ବାକ୍ଲିଗ୍ ବିସୟ ଡୁଙ୍ଗ୍ଝେଟେ ମାଲେ ସମସ୍ୟା ଡିଙ୍ଗ୍ଲେକେ; ନିଜର୍ ରେମୁଆଁ ବାନ୍ ଆଡାଗ୍ ବିଟେ କିସଟନେ ଏଡେ ଲେଃନ୍ସା ନେଙ୍ଗ୍ନେ ଇକଟା । ଡାଗ୍ଲା ଆଡେନ୍ ମାଲେ ସାପାଟୁ ମ୍ବାଃ । ୨୪ ମାତର୍ ପେଇଁନେ ସା ନେଙ୍ଗ୍ନେ ରୁଆଲେଃଟେ ମାଲେ ଦରକାର୍ । ୨୫ ନେଙ୍ଗ୍ ଏନ୍ ବିସୟରେ ସଡ୍ ଏନ୍ସା ନେଙ୍ଗ୍ ମ୍ୟାଲେଃଟେ ନେଙ୍ଗ୍ ରୁଆ ନ୍ଲେଃଏ । ପେଇଁନେ ବିସ୍ବାସ୍ରେ ଉର୍ନତି ବାରି ସାଦା ନ୍ସା ନେଙ୍ଗ୍ ପେ ସାପାରେନେ ଏଡେ ଲେଃଏ । ୨୬ ତେଲା ପେଇଁ ଜିବନ୍ରେ ଜିସୁ କିସଟନେ ଏଡେ ମିସୁଲେଃଟେ ନେଙ୍ଗ୍ ନ୍ସା ଜାବର୍ ଗରବ୍ ବାବେ ପେୟାଏ ।

୨୭ ନେଙ୍ଗ୍ନେ ମୁଇଁ ଆଃ ଇକଟା କିସଟନେ ନିମାଣ୍ଡାସାମୁଆଁନେ ଇକଟା ଚାକର୍ ରକମ୍ ବେବଆର୍ ଡିଙ୍ଗ୍ପା ଡିରକମ୍ ନେଙ୍ଗ୍ ପାଙ୍ଗ୍ଟେ ଆପେକେ କେଲା ଶୁଲା ମାପାଙ୍ଗ୍ଟେ ଡିଗ୍ ପେଇଁ ବିସୟରେ ଅଁଲା ମ୍ୟା ପେୟାଏ ଜେ ପେଇଁ ମୁଇଙ୍ଗ୍ ଆମ୍ନିଆ ବୁଙ୍ଗ୍ନା ଲେଃଟେ ନିମାଣ୍ଡାସାମୁଆଁନେ ବିସ୍ବାସ୍ ନ୍ସା ମୁଇଙ୍ଗ୍ ପାରାନ୍ରେ ମୁଇଙ୍ଗ୍ ସାଙ୍ଗେ ଜୁଦ୍ ଡିଙ୍ଗ୍ପେଡିଙ୍ଗ୍କେ ୨୮ ସଡୁଇଁକେ ଆବଟଗେପା ସାଆସ୍ରେ ଡାବ୍ ଲାଲାପା । ତେଲା ମେଇଁ ମ୍ୟା ଆର୍ଏ ଜେ ମେଁଇଁନେ ଆରେନେ ସଡ୍ ବାରି ପେଇଁ ଜିଡେ ପେୟାଏ ଡାଗ୍ଲା ଇସପର୍ ଆଃ ଆପେକେ ଜିଡେ ବିଏ । ୨୯ ମାତର୍ କିସଟନେ ଡାଗ୍ଲା ବିସ୍ବାସ୍ ଡିଙ୍ଗ୍ନେ ବାନ୍ ଶୁ ମେଃନ୍ସା କସ୍ବାନେ ବାନ୍ ଆପେକେ କିସଟନେ ସେବା ଡିଙ୍ଗ୍ ନ୍ସା ସୁଜଗ୍ ବିବକେ । ୩୦ ✨ବାରି ଆନେଙ୍ଗ୍ ଡିରକମ୍ ଜୁଦ୍ ଡିଙ୍ଗ୍ନେ କେପେଲେଃଟେ ବାରି ଏବେ ଡିଂଶ୍ରିଂକେ ଡାଗ୍ଟେ ଅପେଲେକେ ପେଇଁ ଦେଡ଼ ରକମ୍ ଜୁଦ୍ ଡିଙ୍ଗ୍ପେଡିଙ୍ଗ୍କେ ।

✨ ୧:୩୦ ୧:୩୦ ପ୍ରେରିଡ୍ ୧୭:୧୯-୪୦.

୨

କ୍ରିଷ୍ଟୁନେ ଦରମ୍ ବାରି ମ୍ନାଃ

^୧ କ୍ରିଷ୍ଟୁନେ ଏତେ ମିସେକ୍ସେ ବାନ୍ ପେଇଂ ପାରାନ୍ନିଆ ଡାବ୍
 ଡିଙ୍ଗ୍‌ପେଲେଃକେ ବାରି ମୈନେ ଆଲାଦ୍ ଆପେକେ ସାନ୍ତି ବିଃଡିଂକେ
 । ପେଇଂ ପବିତ୍ର ଆମ୍‌ନେ କୁଡ଼େଃମାଡ଼େଃ ବାରି ବେବଆର୍ ଡିଙ୍ଗ୍
 ପେଡିଙ୍ଗ୍‌କେ ବାରି ନିଜର୍ ନିଜର୍ ବିତ୍ରେ ପେଇଂନେ ଆସିର୍ବାଦ୍ ବାରି
 ଦୟା ଲେଃକେ । ^୨ ତେସା ଆପେକେ ନେଙ୍ଗ୍ କୁସାମୁଡି ଡିଙ୍ଗ୍‌ଶ୍ଟିଙ୍ଗ୍‌କେ
 ପେଇଂ ମୁଇଂ ମନ୍ ମୁଇଙ୍ଗ୍ ଆଲାଦ୍‌ନିଆ କୁଡ଼େଃମାଡ଼େଃତେ ମୁଇଂ
 ଚିନ୍ତା ବାରି ମୁଇଂ ବାବ୍‌ନା ଡିଙ୍ଗ୍‌ତେ ନେଙ୍ଗ୍‌ନେ ସାଦା ଆଡିଙ୍ଗ୍‌ପା
^୩ ନିଜର୍ ବଲ୍ ନସା ଶୁଲା ବଡ଼୍‌ପନ୍ ଆସୁଏ ନସା ମେଃଡିଗ୍ କାମ୍
 ଆଡିଙ୍ଗ୍‌ପା । ମାତର୍ ବିନ୍‌ଶ୍ଟେକେ ନିଜର୍ ବାନ୍ ମ୍ନା ମନେ ଡାଗ୍‌ତେ
 ନିଜର୍ ନିଜର୍ ବିତ୍ରେ ଦରମ୍ ବେବଆର୍ ଡିଙ୍ଗ୍‌ପା । ^୪ ମାତର୍ ନିଜର୍
 ନିମାଣ୍ଟା ନସା ମନ୍ ମାଡିଂତେ ବିନ୍‌ଶ୍ଟେଇଂ ଆଡାଡା ମନ୍ ବିଃପା
 । ^୫ କିସଟ ଜିସୁନେ ମନ୍ ବାବ୍‌ନା ଡିରକମ୍ ଲେଃକେ ପେଇଂନେ
 ଦେଡ଼ରକମ୍ ମନ୍ ଡିଙ୍ଗ୍‌ଲେ ।

^୬ ମୈଁ ଇସପର୍ ଡିଙ୍ଗ୍‌ଲା ଡିଗ୍
 ଇସପରନେ ଏତେ ସମାନ୍ ଡିଙ୍ଗ୍‌ତେ ଲେଃନେ ନିଜର୍ ନସା
 ସାତେ ବନେ ବିସୟ୍ ମନେ ଆଡିଙ୍ଗ୍‌କେ ଶୁ

^୭ ମାତର୍ ନିଜର୍ ଇକଟାରେ ଝେତେ ନିଜର୍‌ନେ ସାପା ଆନ୍ତାର୍
 ବିତେ ସେବକ ରକମ୍ ରୁପ୍ ସାକେ ।

ରେମୁଆଁ ରକମ୍ ଡିଙ୍ଗ୍‌ତେ ରେମୁଆଁ ରୁପ୍‌ରେ
 ପାଙ୍ଗ୍ ଲେଃକେ ।

୮ ମୈଁ ଲିବିସ ବାରି ଦରମ୍ ଡିଙ୍ଗ୍‌ତେ ଗୁଏଃ ବେଲା ଜାକ
 କୁସନ୍ନିଆ ଗୁଏଃ ଜାକ ସାମୁଆଁ ମାନେଃ ଡିଙ୍ଗ୍‌କେ ।

^୯ ଏନ୍‌ସା ଇସପର୍ ଆମେକେ ସାପାବାନ୍ ତିଆର୍ ଜାଗାନ୍ନିଆ
 ଆଃକବକେ
 ବାରି ବିନ୍‌ନେ ସାପାରେନେ ମ୍ନି ଆଃତାରେତେ ମ୍ନି ଆମେକେ
 ବିବକେ ।

^{୧୦} ଡିରକମ୍ କିତଂଇନି ମଞ୍ଚପୁର୍
 ବାରି ପାଡାଲ୍‌ନିଆ ଲେଃକେ ସାପା ରେମୁଆଁ

ଜିସୁନେ ମ୍ନିରେ ତେଙ୍ଗାଚେ ମୁଣ୍ଡିଆ ବଗ୍‌ଆରୁଏ
 ୧୧ ବାରି ଆବା ଇସ୍‌ପରନେ ମଙ୍ଗାଲ୍ ନ୍ୟା
 ସାପାରେ ରେମୁଆଁ ଜିସୁ କିସ୍‌ଟକେ ମାପୁ ଡାଗ୍‌ଚେ ଗ୍ରଥନ୍
 ତିଙ୍ଗାଆରୁଏ ।

ମଞ୍ଚପୁରନ୍ତିଆ ତାରକିଗ୍ ରକମ୍ ତୁଆପା

୧୨ ତେସା ନିଜର୍ ବନ୍ଦୁଇଁ ନେଙ୍ଗ୍ ପେଇଁନେ ଏତେ ଲେଃନେ
 ବେଲା ପେଇଁ ତିରକମ୍ କାଲାଆଃ ନେଙ୍ଗ୍‌ନେ ଆଦେସ୍
 ମାନେଃପେଲେକେ ଏବେ ନେଙ୍ଗ୍ ପେବାନ୍ ମ୍ଲୁ ଲେଃନେ ବେଲା
 ଜାବର୍ ବିସ୍‌ବାସ୍ ବାବ୍‌ରେ ନେଙ୍ଗ୍‌ନେ କାମ୍ ତିଙ୍ଗ୍‌ନେ ପେଇଁନେ
 ଦରକାର୍ । ପେନେ ଉଦାର୍ ବାନେ କାମ୍ ତିରକମ୍ ସମାନ୍ ତିଙ୍ଗ୍‌ଏ
 ଏନ୍‌ସା ବୁଟମେଗ୍ ବାରି ଇରିୟାତୁଗ୍‌କେ ରକମ୍ କାମ୍ ତିଙ୍ଗ୍‌ପା ।
 ୧୩ ଡାଗ୍ଲା ଆପେକେ ମେଃନେ ଦରକାର୍ କାମ୍ ତିଙ୍ଗ୍ ନ୍ୟା ଇକ୍‌ଟା ବାରି
 ସମାନ୍ ଆଡିଙ୍ଗ୍ ନ୍ୟା ନିଜେ ଇସ୍‌ପର ପେନେ ଡାଗ୍ଲା କାଲାଆଃ ସ୍ଲେଏ
 ।

୧୪ ଅଦିକାର୍ ବାରି ଜୁକ୍ତାଜୁକ୍ତି ଆଡିଙ୍ଗ୍‌ଚେ ସାପା କାମ୍ ତିଙ୍ଗ୍‌ପା ।
 ୧୫ ତେଲା ଏନ୍ ଦୁରନିତି ବାରି ପାପ୍ ବର୍ତ୍ତ୍ ମଞ୍ଚପୁରନ୍ତିଆ ପେଇଁ
 ଇସ୍‌ପରନେ ପବିତ୍ର ଉଁତେ ରକମ୍ ଦସ୍‌ଶୁ ବାରି ପବିତ୍ର ଜିବନ୍
 ଆମ୍‌ପା । ୧୬ ବିନ୍‌ଶ୍ଟେନେ ଡାଗ୍ଲା ପାରାନ୍ ଆଃବଦ୍‌ଲେନେ ସାମୁଆଁ
 ବାସଙ୍ଗ୍‌ନେ ବେଲା ପେ ତ୍ରିଗ୍‌ତିଆଃ ତାରକିଗ୍ ତିଙ୍ଗ୍‌ମ୍ୟାକ୍‌କେ ଚାଙ୍ଗୁଆଇଁ
 ରକମ୍ ତାରକିଗ୍ ତିଙ୍ଗ୍‌ନେ ଦରକାର୍ । ପେଇଁ ଜଦି ଦେକ୍‌ରକମ୍
 ପେଡିଙ୍ଗ୍‌ଏ “କିସ୍‌ଟନେ ଦିନ୍‌କେଲା” ପେଇଁନେ ବିସ୍‌ୟନ୍ତିଆ ନେଙ୍ଗ୍
 ଗରବ୍ ତିଙ୍ଗ୍‌ଇଁୟାଏ ଡାଗ୍ଲା ଏନ୍ ବାନ୍ ପରମାନ୍ ତିଙ୍ଗ୍‌ଏ ଜେ ନେଙ୍ଗ୍‌ନେ
 ସାପା ଇକ୍‌ଟା ବାରି କାମ୍ ନସ୍‌ଆଡିଙ୍ଗ୍‌କେ ଶୁ ।

୧୭ ପର୍‌ମେସରନେ ସେବାନ୍ତିଆ ପେନେ ବିସ୍‌ବାସ୍ ଆପେକେ
 ମୁଇଙ୍ଗ୍ ପୁଜା ବିଃନେ ରକମ୍ ସେବା ତିଙ୍ଗ୍‌ନେସା ବାସଙ୍ଗ୍‌ଏ ।
 ଏଲେଡିଗ୍ ପେନେ ପୁଜା ବିଃନେ ରକମ୍ ସେବାନ୍ତିଆ ଆନେଙ୍ଗ୍
 ନେଙ୍ଗ୍‌ନେ ନିଜର୍ ମ୍ୟା ତିଗ୍ ପୁଜା ବିଃନେ ପଡ଼େଏ । ଜଦି ଆତେନ୍
 ଗଟେଏ ନେଙ୍ଗ୍ ପେଇଁନେ ଏତେ ସାଦାରେ କୁଡ଼େ ନ୍ୟା ଇକ୍‌ଟା
 ତିଙ୍ଗ୍‌ଶ୍ଟିଙ୍ଗ୍‌କେ । ୧୮ ପେଇଁ ତିଗ୍ ନେଙ୍ଗ୍ ଏତେ ସାଦା ତିଙ୍ଗ୍‌ପା ବାରି
 ସାଦାରେ ବର୍ତ୍ତ୍ ତିଙ୍ଗ୍‌ପା ।

ତିମତି ବାରି ଏପାପ୍ରାଦିତ୍

୧୯ ମାପୁନେ ଇକ୍ତା ଲେଖଲା ପେଇଁନେ ତାଗ୍ରା ତିମତିକେ ଦାପ୍ତେ ବେଇଁୟାଏ ତାଗ୍ରାତେ ମାପୁରୁ ଜିସୁ ତାଗ୍ରା ନେଇଁ ଆସା ତିଂଣ୍ଟିକେ । ତେଲା ପେଇଁନେ କବର୍ ବାତେ ନେଇଁ ସାର୍ଦା ଶ୍ରିଙ୍ଗଏ । ୨୦ ମାତର୍ ମେଁନେ ନେଇଁ ରକମ୍ ମନ୍ ବାବେନେ ବାରି ମେଁ ସତେଆ ପେଇଁନେ ଆଡାଡା ମନ୍ ଲେଖକେ । ୨୧ ବିନ୍ନେ ସାପାରେ ଜିସୁ କିସଟନେ ବିସୟରେ ତେସ୍ତା ଆଡିଙ୍ଗତେ ନିଜର୍ ବଲ୍ପପଡେ ନ୍ସା ତେସ୍ତା ତିଙ୍ଗିଆର୍ଏ । ୨୨ ପେ ମ୍ୟାପେଲେକେ ତିମତି ତିରକମ୍ ମେଁନେ ଇକ୍ତା ପୁରନ୍ ଆଃଡିଂବକେ, ତିରକମ୍ ମେଁ ବାରି ନେଇଁ ଉଁ ବାରି ଆବା ରକମ୍ ନିମାଣ୍ଡା ସାମୁଆଁ ବାସଙ୍ଗନେ ସ୍ଲେନିଆ ନେଇଁ ଏତେ ଜତନ୍ ତିଙ୍ଗିବକେ । ୨୩ ନେଇଁ ଆଡାଡା ମେଁନେ ଗଟେନେ ଝେଡିଙ୍ଗକେ ମ୍ୟାଙ୍ଗେ ଦାପ୍ତେ ନେଇଁ ଆମେକେ ପେଇଁନେ ତାଗ୍ରା ମ୍ସଏ ତାଗ୍ରାତେ ଆସା ତିଙ୍ଗିଲ୍ଲେଏ । ୨୪ ମାତର୍ ନେଇଁ ମାପୁନେ ତାଗ୍ରା ବିସ୍ବାସ୍ ତିଙ୍ଗି ଶ୍ରିଙ୍ଗକେ ଜେ ନେଇଁ ପେଇଁନେ ତାଗ୍ରା ଦାପ୍ତେ ମ୍ସାଙ୍ଗଏ ।

୨୫ ମାତର୍ ନେଇଁ ନେଇଁନେ ବୟାଁ ସଙ୍ଗସାତି ସାପାନ୍ନିଆ ବାରି ନେଇଁନେ ଆଲେଖକ୍ ବଡି ଆଡିଙ୍ଗନ୍ସା ପେଇଁନେ ବେବକ୍ସେ ବାରି ସେବା ତିଂଣ୍ଟେ ଏପାପ୍ରାଦିତକେ ପେଇଁନେ ତାଗ୍ରା ବେନ୍ସା ଏଲେଡିଗ୍ ମନେ ଶ୍ରିଂକେ; ୨୬ ମେଁ ଆପେ ସାପାରେକେ କେନ୍ସା ଇକ୍ତା ତିଂଡିକେ ବାରି ପେଇଁ ମେଁନେ ଆଃସିଲେକ୍ସେ କବର୍ ଅପେଲେଖଲା ମେଁ ଦୁକ୍ ତିଂଡିକେ । ୨୭ ସତେଆଃ ମେଁ ଆଃସିଲେତେ ଗୁଏକ୍ସେ ରକମ୍ ତିଙ୍ଗିଲେକେ । ମାତର୍ ଆମେକେ ଇସ୍ପର୍ ଦୟା ତିଙ୍ଗିବକେ । ମାତର୍ ମେଁନେ ଆଡାଡା ଶୁନେଇଁ ଆଡାଡା ତିଗ୍ ମେଁନେ ଦୟା ଲେଖଲା ଆନେଇଁ ଦୁକ୍ ଆଡାଡା ଦୁକ୍ କସ୍ ବାନ୍ସା ଆବିକେ ଶୁ । ୨୮ ନେଇଁ ଆମେକେ ପେଇଁନେ ତାଗ୍ରା ବେନ୍ସା ଇକ୍ତା ଡାଗ୍ଲା ଆମେକେ କେଲା ପେଇଁ ବାନ୍ସୁଇଁତର୍ ସାର୍ଦା ପେଡିଙ୍ଗଏ ବାରି ନେଇଁନେ ଦୁକ୍ ତିଗ୍ ଗଣ୍ଡାଡିଙ୍ଗଏ । ୨୯ ତେସା ମୁଇଁଜା କ୍ରିସ୍ଟ ବିସ୍ବାସି ବୟାଁ ବାବ୍ରେ ପେଇଁ ଆମେକେ ସାର୍ଦାରେ ଗୁଅନ୍ ତିଙ୍ଗିପା ବାରି ମେଁ ରକମ୍ ସାପା ଗୁନ୍ଗ୍ୟାନ୍ ରେମୁଆଁକେ ବକ୍ତି ତିଙ୍ଗିପା ୩୦ ଡାଗ୍ଲା ପେଇଁ ଆନେଇଁ ଆଣ୍ଡିନେ ସାଇଜ ବିପେୟାକେ ଶୁ କିସଟନେ କାମ୍

ପୁରନ୍ ନ୍ୟା ମେଁ ଆତାନ୍ ତିଙ୍ଗ୍‌ନେ ଝେଚେ ନିଜର୍ ପାରାନ୍‌କେ ଗୁଏନେ ସାମ୍‌ନା ତିଙ୍ଗ୍‌କେ ।

୩

ସତ୍ ଦରମ୍

^୧ ତାଃକ୍‌କେ ଇଡିଙ୍ଗ୍ ଅ ବୟ୍‌ ବାରି ତନାଲ୍ ମାପୁନେ ତାଗ୍ରା ସାଦ୍‌ ତିଙ୍ଗ୍‌ପା । ମୁଇଁ ରକମ୍‌ନେ ସାମୁଆଁ ପେଇଁ ତାଗ୍ରା ପ୍ରେର୍‌ପ୍ରେର୍‌ ଗୁଆରନେ ନେଙ୍ଗ୍ ଆଡାତ୍ରା କସ୍ ଆଡିଙ୍ଗ୍ ଶୁ ତାଗ୍ରା ପେଇଁନେ ରକ୍ୟା ନ୍ୟା ଏନ୍ ସାଇଜ ତିଙ୍ଗ୍‌ଏ । ^୨ ଗୁସୁଃକ୍‌ନେବାନ୍ ତରକ୍ ଲାଲାପା ଦଦ୍ୟା କାମ୍ ତିଂଶ୍ଟେନେବାନ୍ ତରକ୍ ଲାଲାପା ପବିତ୍ର ତିଙ୍ଗ୍‌ଲେକ୍‌କ୍‌ ରେମୁଆଁନେବାନ୍ ତରକ୍ ଲାଲାପା; ^୩ ନେନେ ସତେଆ ପବିତ୍ର ତିଙ୍ଗ୍‌ଲେକ୍‌କ୍‌ ରେମୁଆଁ; ମେଇଁ ଶୁ । ନେନେ ପବିତ୍ର ଆମ୍‌ନେ ସାଇଜରେ ଇସପର୍‌ନେ ଉପାସ୍ ନେଡିଙ୍ଗ୍‌ଏ । କିସର୍ ଜିସୁନେ ତାଗ୍ରା ଗରବ୍ ନେଡିଙ୍ଗ୍‌ଏ । ନେନେ ନିଜର୍ ନିତିନିୟମ୍ ଆଡାତ୍ରା ଆସା ନେଡିଗ୍ ଶୁ । ^୪ ଏଲେଡିଗ୍ ଆତାନ୍ ସାପା ଆଡାତ୍ରା ଆସା ବନେ ନେଙ୍ଗ୍ ତାଗ୍ରା ଜାବର୍ ପାଡିଙ୍ଗ୍ । ଜଦି ଜାଣ୍ଟେ ସଂସାରନେ ନିତିନିୟମ୍ ଦରକାର୍ ଲେଃକ୍‌କ୍‌ ଆଡାତ୍ରା ଦ୍ୟାନ୍ ବିଏ । ଦେଡ୍ ରକମ୍ ତିଙ୍ଗ୍ ନ୍ୟା ନେଙ୍ଗ୍‌ନେ ଜାବର୍ କାରନ୍ ଲେଃକେ । ^୫ ନେଙ୍ଗ୍‌ନେ ଜନମ୍ ତିଙ୍ଗ୍‌ଚେ ମୁଇଁସାନ୍ତା ଦିନ୍ ଇଡିଙ୍ଗ୍ ନେଙ୍ଗ୍‌ନେ ପବିତ୍ର ତିଙ୍ଗ୍‌ବଆରକେ । ନେଙ୍ଗ୍ ମୁଇଁଜା ଇସ୍ରାଏଲିୟ ରେମୁଆଁ । ବେଞ୍ଜାମିନନେ ବସ୍‌କୁଲ୍ । ଏବ୍ରୀ ବାସାଣ୍ଟେ ଆବା ଇୟାଙ୍ଗ୍‌ନେ ବାନ୍ ଜନମ୍ ତିଙ୍ଗ୍‌ବେଲା ନେଙ୍ଗ୍ ମୁଇଁଜା ଏବ୍ରୀ ବାସାଣ୍ଟେ ରେମୁଆଁ । ନେଙ୍ଗ୍ ନ୍ୟା ମସାନେ ନିଅମ୍ ଜାବର୍ ମ୍ବାଃ, ଆଡେନ୍ କିକେନେବାନ୍ ନେଙ୍ଗ୍ ମୁଇଙ୍ଗ୍ ଫାରୁଣୀ । ^୬ ଜିଉଦି ଦର୍ମ୍ ନ୍ୟା ନେଙ୍ଗ୍‌ନେ ଅଃକେନ୍ ଜାବର୍ ଗରବ୍ ଲେଃକେ ଜେ ନେଙ୍ଗ୍ ମଣ୍ଡଲିକେ କସ୍ ବିଃଣ୍ଟିଂକେ । ବିସ୍‌ବାସିଇଂକେ କସ୍ ବିମ୍‌ଗେ । ନେଙ୍ଗ୍ ଡିରକମ୍ ବାବ୍‌ରେ ମସାନେ ନିଅମ୍ ପାଲେ ଶ୍ଟିଂକେ, ଜାଣ୍ଟେ ଡିଗ୍ ନେଙ୍ଗ୍ ତାଗ୍ରା ମେଃଡିଗ୍ ଦସ୍ ବାଆଲେଃକେ ଶୁ । ^୭ ମାତର୍ ଆଣ୍ଟିନେ ସାପା ବିସୟ୍ ଲାବ୍ ତିଙ୍ଗ୍‌ଏ ତାଗ୍‌ଚେ ମନେ ତିଙ୍ଗ୍‌ମୁକେ ଆତାନ୍‌କେ

✠ ୩:୫ ୩:୫ ରମିୟ ୧୧:୧; ପ୍ରେରିଡ୍ ୨୩:୭; ୨୭:୫. ✠ ୩:୭ ୩:୭ ପ୍ରେରିଡ୍ ୮:୩; ୨୨:୪; ୨୭:୯-୧୧.

ଏବେ କିସ୍ତନେ ସା ନେଙ୍ଗ ଦଦ୍ୟା ତାଗ୍ତେ ମନେ ଶ୍ରିଙ୍ଗକେ ।
 ୮ ମାତର୍ ଅଃତେନ୍ ଶୁ । ନେଙ୍ଗନେ ମାପୁ ଜିସୁ କିସ୍ତକେ ମ୍ୟାନେ
 ବାନ୍ ଆଡିନେ ଜାବର୍ ସୁନ୍ଦର୍ ନୀତିକେ ଆତାନ୍ ବାଦୁଲ୍ରେ ବିନ୍ନେ
 ସାପା ବିସୟକେ ନେଙ୍ଗ ଏବେ ମଇଲା ତାଗ୍ତେ ବାବେଶ୍ରିଂ । ମେଇଂ
 ନସା ନେଙ୍ଗ ସାପା କିଚି ଆନ୍ତାର ବିଃମ୍ବକେ । କ୍ରିସ୍ତକେ ବାନ୍ସା, ୯ ବାରି
 ମେଁ ଏତେ ନିମାଣ୍ଡା ବାବ୍ରେ କୁଡେଃ ନସା ବିନ୍ ସାପା ବିସୟକେ
 କାବରା ତାଗ୍ତେ ଏତେ ତିଂକେ । ଆଣ୍ଡି ଦରମ୍ ନିୟମ୍ ପାଲେନେ
 ବାନ୍ ଲାବ୍ ତିଙ୍ଗ ପାରେ ଦେଡ୍ ରକମ୍ ମେଃଡିଗ୍ ନିଜ୍ଜନେ ଦରମ୍
 ନେଙ୍ଗ ତାଗ୍ରା ଶୁ । ଏବେ ମେଃନେ ଦରମ୍ ଲେଃକେ ଆତାନ୍ କିସ୍ତନେ
 ତାଗ୍ରା ବିସ୍ବାସ୍ ତିଙ୍ଗଲା ମିଲେଏ; ଆତାନ୍ ଇସ୍ପର୍ତ୍ତନେ ବାନ୍ ପାଙ୍ଗ୍ଏ
 ବାରି ଆତାନ୍ ବିସ୍ବାସ୍ ଆଡାତ୍ରା ତିଆର୍ ତିଙ୍ଗଲେକେ । ୧୦ ଏବେ
 ନେଙ୍ଗନେ ମୁଇଂ ଆଃ ଇକ୍ତା ନେଙ୍ଗ ତିରକମ୍ କ୍ରିସ୍ତକେ ମମ୍ୟାଃଏ
 ବାରି ମେଁନେ ଗୁଏତେ ତଃଡିଆକ୍ସେ ବପୁ ମନେ ଶ୍ରିଙ୍ଗ୍ଏ; ମେଁନେ କସ୍ତ
 ବାନେ ସମାନ୍ କସ୍ତ ମନେ ତିଂରେ ଗୁଏ କେଲା ତିଗ୍ ମେଁ ସୁଗୁଆ ଶ୍ରିଙ୍ଗ୍ଏ
 ୧୧ ଦେକରକମ୍ ବାବ୍ରେ ନେଙ୍ଗ ଗୁଏକ୍ସେଶ୍ରେ ବାନ୍ ବାରିମୁଇଂତର୍
 ଜିବନ୍ ଶ୍ରିଂଏ, ଏନ୍ ଆସା ନେଙ୍ଗନେ ଲେଃକେ ।

ଇକ୍ତା ଜାଗାନ୍ନିଆ ଓଁନେ

୧୨ ନେଙ୍ଗ ତିଙ୍ଗକ୍ସେ କାମ୍ ସମାନ୍ ତିଙ୍ଗଲେକେ ତାଗ୍ତେ ବାସଙ୍ଗ
 ନାଡିଙ୍ଗକେ ଶୁ । ପୁରୁସ୍କାର୍ ବାନ୍ସା ଓଁନେ ଶ୍ରିଙ୍ଗ୍ । କିସ୍ତ ଜିସୁନେ ବାନ୍
 ପାଙ୍ଗ୍ନେଃଲା ନେଙ୍ଗ ଓଁନେ ଶ୍ରିଙ୍ଗକେ । ୧୩ ଅ ବୟା ବାରି ତନାଇଂ ନେଙ୍ଗ
 ଏ ଜାକ ଇକ୍ତା ଜାଗାନ୍ନିଆ ଝେଟା ନାୟାକେ ଶୁ । ମାତର୍ ମୁଇଙ୍ଗ୍
 ସ୍ପେନିଆ ନେଙ୍ଗ ଦାନ୍ଦା ତିଙ୍ଗକ୍ସେକେ; ପ୍ଲାପାକା ଆଃତାର୍ତେ ପାଙ୍ଗ୍କ୍ସେ
 ବିସୟ ଇଂକେ ଆବତେ ସାମନାନ୍ନିଆ ଲେଃକ୍ସେ ବିସୟ ଇଂକେ ବାନ୍ସା
 ଜିବନ୍ ବିଃତେ ଚେସ୍ଟା ତିଂଶ୍ରିଂକେ । ୧୪ ନେଙ୍ଗ ସାପାବେଲା ଇକ୍ତା
 ଜାଗାନ୍ନିଆ ଝେଟାତେ ପୁରୁସ୍କାର୍ ବାନ୍ସା ଚେସ୍ଟା ଶ୍ରିଙ୍ଗ୍ଏ । କିସ୍ତ
 ଜିସୁନେ ତାଗ୍ରା କିତଂ ଜିବନ୍ନେ ପୁରସ୍କାର୍ ବାନ୍ସା ପର୍ମେସର୍
 ଆନେଙ୍ଗ୍ ଝାବକେ ।

୧୫ ନେଙ୍ଗନେ ବିତ୍ରେ ଜାଣ୍ଡେଇଂ ଆମ୍ନେ ବାବ୍ରେ ସମାନ୍ ମେଇଂ
 ତିଗ୍ ଦେକରକମ୍ ବାବେନେ ଦର୍କାର୍ । ଜଦି ପେନେ ବିତ୍ରେ ବିନି ମନ୍
 ବାବ୍ନା ଲେଃଏ ପର୍ମେସର୍ ଆପେକେ ସାପା ସାମୁଆଁ ଚିକ୍ ବାବ୍ରେ

ଆମାମା ବିଏ । ୧୭ ଆତେନ୍ ମେଃଡିଙ୍ଗ୍ଲେଃ ଏଃଜାକ ନେ ଆଣ୍ଡିନେ ନିଅମ୍ ମାନେଚେ ପାଙ୍ଗ୍ ନେଡିଙ୍ଗ୍ ଆତେନ୍ ସୁଗୁଆ ଏବେ ସେନ୍ନୁଗ୍ ଝେନେ ଦରକାର ।

୧୭ ✠ ଅ ବୟାଁ ବାରି ତନାଇଂ, ମୁଇଂ ଅରିଆ ଡିଙ୍ଗ୍ରେ ନେଙ୍ଗ୍ନେ ପ୍ଲା ପାଙ୍ଗ୍ଲାପା । ନେ ନେବକ୍ସେ ଦରମ୍ ସୁଗୁଆ ଜାଣ୍ଡେଇଂ ବେବଆର୍ ଡିଙ୍ଗ୍ଆର୍ଡିଂକେ ଆମେଇଂକେ କେଲାପା । ୧୮ ତାଗ୍ଲା ଦେକ୍‌ରକମ୍ ଗୁଲୁଏ ଲେଃଆରକେ ଜାଣ୍ଡେଇଂନେ ବେବଆର୍ ବିସୟନ୍ନିଆ ନେଙ୍ଗ୍ ଆପେକେ ଉଡିତର୍ ବାସଙ୍ଗ୍ମକେ ବାରି ଏବେ ଡିଗ୍ ଅଃ ଅଃଚେ ବାସଙ୍ଗ୍‌ଣ୍ଡିଂ ମେଇଂ କିସ୍‌ଚନେ କୁସନେ ସତ୍ତୁ; ୧୯ ନରକ୍‌ନ୍ନିଆ ମେଁଇଂନେ ପାରାନ୍ ତାନେ ଝେଡିଙ୍ଗ୍‌କେ, ତାଗ୍ଲା ଗାଗ୍‌ଡେନେ ଆସାଇ ମେଁଇଂନେ ଦେବତା । ଆଣ୍ଡିନେ ଗିଆସମାଲା ମେଇଂ ଆତେନ୍‌ସା ଗରବ୍ ଡିଙ୍ଗ୍ଆରଏ; ମାତର୍ ଜାଗତିକ ବିସୟ ଜିନିସ୍ ନ୍‌ସା ମେଇଂ ତିନ୍ତା ଡିଙ୍ଗ୍ଆରଏ । ୨୦ ଆତେନ୍ ମେଃଡିଙ୍ଗ୍ଲେଃ ନେ କିତଂଇନି ରାଜିନେ ରେମୁଆଁ । କିତଂବାନ୍ ନେନେ ଆମ୍‌ଣ୍ଡେ ମାପୁ ଜିସୁ କିସ୍‌ଚ ପାଙ୍ଗ୍‌ନେ ବେଲା ନେ ସାର୍ଦାରେ ଉର୍ ନେଲେକେ । ୨୧ ଆଣ୍ଡିନେ ବପୁ ବାନ୍ ମେଁ ସାପା ବିସଏକେ ନିଜର୍ ନ୍‌ସା ତାଆଁ ଆଃଡିଙ୍ଗ୍ ଯାଏ, ଆତେନ୍ ବପୁ ବେବଆର୍ ଡିଙ୍ଗ୍ରେ ମେଁ ନେନେ ଅସକ୍‌ତିଆ ଗୁଏକ୍ସେ ଗାଗ୍‌ଡେକେ ମେଁନେ ମଙ୍ଗ୍‌ଲମୟ ଗାଗ୍‌ଡେ ରକମ୍ ଡିଙ୍ଗ୍‌ଏ ।

୪

ଆଦେସ୍ ବାରି ଗ୍ୟାନ୍

୧ ନିଜର୍ ବୟାଁ ଆରି ତନାଇଂ ଆପେକେ କେନ୍‌ସା ନେଙ୍ଗ୍ ଇକ୍‌ଚା ଶ୍ରିଙ୍ଗ୍‌ଏ । ଆପେକେ ତୁଗ୍‌ଝେଚେ ନେଙ୍ଗ୍ ଉଡି ସାର୍ଦା । ପେଇଂନେ ସା ନେଙ୍ଗ୍‌ନେ ଉଡି ଗରବ୍ । ବୟାଁ ବାରି ତନାଇଂ ନେଙ୍ଗ୍‌ନେ ଗ୍ୟାନ୍ ସୁଗୁଆ ମାପୁନେ ତାଗ୍ଲା ସାନ୍ତିରେ ଲେଃଚେ ରୁଆ ଡିକେଃ ଡିଙ୍ଗ୍‌ପା ।

୨ ମାପୁନେ ତାଗ୍ଲା ତନାଇଂ ରକମ୍ ମୁଇଙ୍ଗ୍ ମନ୍ ଡିଙ୍ଗ୍ ନ୍‌ସା ନେଙ୍ଗ୍ ଇୟଦିଆ ବାରି ସୁକ୍ଷ୍ମା ମ୍ବାୟାକେ କୁସାମୁତି ତିଂଣ୍ଡିଂକେ । ୩ ଅ ନେଙ୍ଗ୍‌ନେ ବିସ୍‌ବାସ୍ ସାଇଜ ତିଂଣ୍ଡେ । ଏନ୍ ସେଲାମ୍‌ସୁଃଇଂକେ ସାଇଜ ଡିଙ୍ଗ୍‌ନ୍‌ସା ଆପେକେ ଡିଙ୍ଗ୍ କୁସାମୁତି ଡିଙ୍ଗ୍‌ଣ୍ଡିଂକେ ତାଗ୍ଲା ଆକ୍‌ମେଇଂ

✠ ୩:୧୭ ୩:୧୭ ୧ କରିନ୍‌ଡିୟ ୪:୧୭; ୧୧:୧.

କ୍ଲେମେଣ୍ଟ୍ ବାରି ନେଙ୍ଗ୍‌ନେ ବିନ୍ ସାଇଜ୍ ତିଂଶ୍ଟ୍ରେଇଂକେ ସଙ୍ଗେ ନିମାଣ୍ଡା ସାମୁଆଁ ସ୍ଲେନିଆ ନେଙ୍ଗ୍ ଏତେ କସ୍ ଡିଙ୍ଗ୍‌ବଆରକେ; କ୍ଲେଇଂନେ ମି ଇସ୍‌ପରନେ ଜିବନ୍ ସାସ୍ତ୍ରନ୍ନିଆ ଗୁଆରବକେ ।

୪ କାଲାଆଃ ମାପୁନେ ଡାଗ୍ରା ସାର୍ଦା ତିଙ୍ଗ୍‌ପା ବାର୍ମୁଇଂଡର୍ ବାସଙ୍ଗ୍‌ଣିଂ “ସାର୍ଦା ତିଙ୍ଗ୍‌ପା ।”

୫ ସାପାରେନେ ଏତେ ନିମାଣ୍ଡା ବେବଆର୍ ତିଙ୍ଗ୍‌ପା । ମାପୁ ପାଙ୍ଗ୍‌ନେ ଡାଗ୍ରା ପିଙ୍ଗ୍‌ଚାକେ । ୬ ମେଃଡିଗ୍ ବିସ୍‌ୟନ୍ନିଆ ତେରେପେତେ ଆଡିଙ୍ଗ୍‌ପା । ମାତର୍ ପେନେ ମେଃମେଃନେ ଦରକାର୍ ଆତେନ୍ ପାର୍ତନାନ୍ନିଆ ଇସ୍‌ପରକେ ସାଲିଆପା । ବାରି ପାର୍ତନା ତିଙ୍ଗ୍‌କେଲା କାଲାଆଃ ଗାଗ୍‌ଡେନେ ଦନ୍‌ୟବାଦ୍ ଏତେ ପେଇଂନେ ଗୁଆରି ସାପା ଇସ୍‌ପର୍ ଡାଗ୍ରା ଆମାପା । ୭ ତେଲା ରେମୁଆଁ ବୁଜେ ଆୟାକ୍ଲେ ଇସ୍‌ପରନେ ସାନ୍ତି କିସ୍‌ଟ ଜିସୁ ଏତେ ମିସୁରେ ପେନେ ଗାଗ୍‌ଡେ ବାରି ମନ୍‌କେ ରକ୍ୟା ପେଡିଙ୍ଗ୍‌ଏ ।

୮ ଇଡିଙ୍ଗ୍ ବୟାଁ ବାରି ତନାଇଂ ଆଣ୍ଡିନେ ସାପା ବିସ୍‌ୟ୍ ସଡ୍, ଆଲାଦ୍ ଦରକାର୍, ଦଦ୍ୟା, ସୁନ୍‌ଦର୍, ନିମାଣ୍ଡା କାମ୍; ଆତେନ୍ ସାପା ବିସ୍‌ୟ୍ ଚିନ୍ତା ତିଙ୍ଗ୍‌ପା । ୯ ପେଇଂ ଜେ ସାପା ବିସ୍‌ୟ୍ ନେଙ୍ଗ୍‌ବାନ୍ ସିକେପେଲେକେ ବାପେଲେକେ ଅଁପେଲେକେ ବାରି ନେଙ୍ଗ୍ ଡାଗ୍ରା କେପେଲେକେ ଆତେନ୍ ସାପା ତିଙ୍ଗ୍‌ପା; ଆଡ୍‌ଅରିଆ ସାନ୍ତିବିଶ୍ଟ୍ରେ ଇସ୍‌ପର୍ ପେଇଂନେ ଏତେ ଲେଃଏ ।

ଦାନ୍ ନ୍‌ସା ଦନ୍‌ୟବାଦ୍

୧୦ ମାପୁନେ ଏତେ ମିସେରେ ବୁଆନେ ବେଲା ନେଙ୍ଗ୍‌ନେ ସାର୍‌ଦା ଜେ ପେଇଂ ନେଙ୍ଗ୍ ଆଡାଡ୍ରା ମନ୍‌ଦ୍ୟାନ୍ ବିଃପା । ଗୁଲୁଏ ଦିନ୍ ଇଡିଙ୍ଗ୍ ଏନ୍ ନ୍‌ଲେଃକେ । ନେଙ୍ଗ୍ ବାସଙ୍ଗ୍ ନାଡିଙ୍ଗ୍‌କେ ଜେ ପେଇଂ ନେଙ୍ଗ୍ ଆଡାଡ୍ରା ବାରି ମନ୍‌ଦ୍ୟାନ୍ ପେଡିଙ୍ଗ୍‌କେ ବାରି ଆଡାନ୍ ଆନ୍‌ ନ୍‌ସା ସୁଜର୍ ବାପେଲେଃକେ । ୧୧ ନେଙ୍ଗ୍ ନିଜେକେ ଅବଏଲା ମନେ ତିଙ୍ଗ୍‌ରେ ଏନ୍ ସାମୁଆଁ ବାସଙ୍ଗ୍ ନାଡିଙ୍ଗ୍‌କେ ଶୁ ନେଙ୍ଗ୍‌ନେ ମେଃନେ ଲେଃକେ ଅଃତେନ୍‌ରେ ସାନ୍ତିରେ ଲେଃନ୍‌ସା ନେଙ୍ଗ୍ ଗ୍ୟାନ୍ ବିମ୍‌କେ । ୧୨ ଆଲେକ୍ଲା ତିଙ୍ଗ୍‌ଲେ ଲେଃକାଲା ତିଙ୍ଗ୍‌ଲେ ଡିରକମ୍ ମେଁନେ ସାମନା ତିଙ୍ଗ୍‌ନେ ତିଙ୍ଗ୍‌ଏ ଆତେନ୍ ନେଙ୍ଗ୍ ମ୍ୟାଲ୍‌କେ । ତେସା ଡିରକମ୍ ବେଲା ଡିରକମ୍ ଅବସ୍ତାରେ କେଡେସ ଲେଃକେଲା ଡିରକମ୍ ଚଙ୍ଗ୍

ଲେଖିକା ତିଙ୍କ ଦେହରକମ୍ ଆଲେଖକ୍ସେ ବେଲା ବାରି ଲେଖକେଲା ତିଙ୍କ ନେଙ୍କ କାଲାଆଃ ସାନ୍ତି । ୧୩ ନେଙ୍କନେ ବପୁଲେଖକ୍ସେ କ୍ରିଷ୍ଟନେ ସାଇଜନ୍ନିଆ ନେଙ୍କ ସର୍ତ୍ତେ ମେଃଡିଗ୍ ଶୁଙ୍ଖଏ ।

୧୪ ଏଲେଡିଗ୍ ନେଙ୍କ କସ୍ତୁବାନେ ବେଲା ଆନେଙ୍କ ସାଇଜ ତିଙ୍କ୍ତେ ପେଇଁ ମ୍ନା କାମ୍ ତିଙ୍କ୍ତେବକେ । ୧୫ ଅ ପିଲିପିୟ ବୟାଁ ବାରି ତନାଇଁ ପେନେ ବଲ୍ ବାବ୍ରେ ମନେ ଲେଖଏ ତିରକମ୍ ନିମାଣ୍ଡା ସାମୁଆଁ ବାସଙ୍ଗ୍ ଆରାମ୍ ତିଙ୍କ୍ତେ ବେଲା ନେଙ୍କ ଉଡିବେଲା ମାସିଦୋନିଆ ଆଡ୍ରା ମ୍ନିକେ ମାତର୍ ପେନେ ମଣ୍ଡୁଲି ଆନେଙ୍କ ସାଇଜ ତିଙ୍କ୍ତେବକେ ମାତର୍ ପେଇଁ ନେଙ୍କନେ ଲାବ୍ ବାରି କେଡିନ୍ନିଆ ମିସୁ ପେଲେଖକେ । ୧୬ ✨ନେଙ୍କ୍ ତେସଲନିକିୟନ୍ନିଆ ଲେଖକେଲା ପେଇଁ ଜାବର୍ ତର୍ ନେଙ୍କ୍ ଡାଗ୍ରା ଦରକାର୍ ଲେଖକ୍ସେ ସାଇଜ ବେପେବକେ । ୧୭ ମାତର୍ ପେଇଁନେ ଡାଗ୍ରା ମାତର୍ ଦାନ୍ ଗୁଅନ୍ ତିଙ୍କ୍ତେନସା ନେଙ୍କ୍ ଚାଏଁନାଡିଙ୍କ୍ତେ ଶୁ: ଏନ୍ ଇଡିଙ୍କ୍ ପେଇଁ ତିରକମ୍ ଜାବର୍ ବାନ୍ ଜାବର୍ ଲାବ୍ ପେଡିଙ୍କ୍ଏ ଏନ୍ ନେଙ୍କ୍ନେ ଇକ୍ତା । ୧୮ ନେଙ୍କ୍ ସାପା ବାଲ୍ଲେଖକେ ବାରି ନେଙ୍କ୍ନେ ଜାବର୍ ଲେଖକେ; ପେଇଁନେ ବେବକ୍ସେ ଆଣ୍ଡିନେ ସାପା ବିସୟ ଏପାଫାଦିତନେ ଡାଗ୍ରା ବାଲ୍ଲେଖକେ ଆତେନ୍ ସାପା ନେଙ୍କ୍ନେ ନସା ଜାବର୍; ଆତେନ୍ ଇସ୍ପର୍ତ୍ତନେ ଅନୁସାରେ ପୁଜା ବିଃକ୍ସେ ନିମାଣ୍ଡା ବାସ୍ମାରୁ ପୁଜା ଜିନିସ୍ ବାରି ମେଁ ବାନେ ଦରକାର୍ ବାରି ସାନ୍ତି ବାବ୍ରେ ପୁଜା ବିଃନେ ରକମ୍ । ୧୯ କିସ୍ତନେ ବାନ୍ ନେଙ୍କ୍ ଇସ୍ପର୍ତ୍ତ ମେଁନେ ଜାବର୍ ସୁନ୍ଦର୍ନିଆ ପେନେ ସାପା ଦରକାର୍ ଲେଖକ୍ସେ ଆମେଁ ବିଏ । ୨୦ ଜୁଗ୍ ଜୁଗ୍ ଆବା ଇସ୍ପର୍ତ୍ତନେ ଗୌରବ୍ ତିଙ୍କ୍ତେଲେ । ଆମେନ୍ ।

ସାରାସାରି ସାଲ୍ନେ

୨୧ ଜିସୁ କିସ୍ତନେ ମ୍ନିନ୍ନିଆ ଆଡ୍ଅରିଆ ଲେଖକ୍ସେ ସାପା ସାବୁକେ ସାରଲ ଶୁଙ୍ଖକେ । ନେଙ୍କ୍ ଏଡେ ଲେଖକ୍ସେ ଏନ୍ ଜାଗାନେ ବୟାଁ ବାରି ତନାଇଁ ଆପେ ସାପାରେକେ ସାରଲ ଶୁଙ୍ଖକେ । ୨୨ ସାବୁଇଁ ସାପାରେ, ବିନ୍ ଜାଣ୍ଡେ କାଇସରନେ ଇଃସାଙ୍ଗ୍ ତୁଆନ୍ନିଆ ଲେଖଆରକେ ମେଇଁ ଆପେକେ ସାରଲ ତିଁକେ ।

✧ ୪:୧୭ ୪:୧୭ ପ୍ରେରିଡ୍ ୧୭:୧. ✧ ୪:୧୭ ୪:୧୭ ୨ କରିନ୍ତିୟ ୧୧:୯.

୨୩ ମାପୁ ଜିସୁ କିସ୍ତନେ ଲିବିସ ପେ ସାପାରେନେ ଆମ୍ବାନେ ସାଆ
ଡିଙ୍ଗଲେ ।

ସତ୍ ଗାଳି
The New Testament in the Gata' language of India: ସତ୍
ଗାଳି (Bible)

copyright © 2020 The Word for the World International

Language: Didayi (Gata')

Contributor: The Word for the World International

ସତ୍ ଗାଳି
ଯୀଶୁ ମାତ୍‌ରୁନେ ନି ନିଅମ୍, 2020

The Gata Didayi Testament Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-09

PDF generated using Haiola and XeLaTeX on 21 Feb 2024 from source files dated 9 Apr 2023

cd536811-9eb4-56d5-9546-afaca24c958c